



Broj: 10-05-29343/17  
Sarajevo, 02.10.2017. godine

Na osnovu člana 77. stav 8. Zakona o zdravstvenoj zaštiti (Službene novine Federacije BiH\*, br. 46/10 i 75/13), člana 56. stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i člana 4. stav 3. Pravilnika o etičkom komitetu Ministarstva zdravstva Kantona Sarajevo („Službene novine Federacije BiH“, broj 82/15), Ministrica zdravstva Kantona Sarajevo, d o n o s i

## **R J E Š E N J E**

### **o imenovanju Etičkog komiteta Ministarstva zdravstva Kantona Sarajevo**

#### **I**

Imenuje se predsjednik i članovi Etičkog komiteta Ministarstva zdravstva Kantona Sarajevo. (u daljem tekstu: Etički komitet) u slijedećem sastavu:

1. Dr sci. med. Sabina Prevljak - Predsjednik,
2. Dr sci. med. Nedžad Rustempašić - član,
3. Prof. dr Jasminka Delilović-Vranić - član,
4. Mr. ph. Suzana Redžepagić - član,
5. Amra Isić, dipl. iur. - član,

Za administrativno-tehničkog sekretara koji će obavljati administrativno-tehničke poslove za potrebe Etičkog komiteta, kao i druge poslove po zahtjevu predsjednika i članova Etičkog komiteta, imenuje se Muris Muratović.

#### **II**

Etički komitet je stručno tijelo Ministarstva zdravstva Kantona Sarajevo koje prati pružanje i provođenje zdravstvene zaštite na teritoriji Kantona Sarajevo, na načelima etike i medicinske deontologije.

#### **III**

Nadležnosti Etičkog komiteta utvrđene su u članu 78. Zakona o zdravstvenoj zaštiti, kao i članu 3. Pravilnika o etičkom komitetu Ministarstva zdravstva Kantona Sarajevo.

Etički komitet je obavezan donijeti poslovnik o radu, kojim će se bliže urediti organizacija i način njegovog rada.

Etički komitet podnosi godišnji izvještaj Ministrici zdravstva Kantona Sarajevo o svom radu, kao i o uočenim problemima, nedostacima i primjedbama u radu etičkih komiteta zdravstvenih ustanova sa područja Kantona Sarajevo.

#### **IV**

Predsjednik, članovi i sekretar Etičkog komiteta imaju pravo na naknadu za svoj rad u neto iznosu i to: predsjednik u iznosu od 250,00 KM, članovi u iznosu od 200,00 KM i sekretar u iznosu od 50,00 KM, koja će se isplaćivati iz sredstava Budžeta Kantona Sarajevo – Razdjel Ministarstva zdravstva, a svoje radne zadatke će obavljati izvan radnog vremena.

Naknada iz prethodnog stava se isplaćuje mjesečno pod uslov da je u tom mjesecu održana najmanje jedna sjednica i uz obavezno prisustvo sjednici.

## V

Mandat predsjednika i članova Etičkog komiteta traje četiri godine, s mogućnošću ponovnog izbora za još jedan mandatni period.

## VI

Ovo rješenje stupa na snagu danom donošenja.

### O b r a z l o ž e n j e

Članom 77. st. 8., 9. i 10. Zakona o zdravstvenoj zaštiti (Službene novine Federacije BiH", br. 46/10 i 75/13), je propisano da se Etički komitet kantonalnog ministarstva formira kao stručno tijelo ministarstva koje prati pružanje i provođenje zdravstvene zaštite, na načelima etike i medicinske deontologije, za područje kantona, kao i njegov sastav, način imenovanja i razrješenja, mandat, naknada za rad i druga pitanja.

Ministrica zdravstva Kantona Sarajevo je donijela Pravilnik o etičkom komitetu Ministarstva zdravstva Kantona Sarajevo („Službene novine Federacije BiH", broj 82/15), kojim je određen broj i sastav Etičkog komiteta ovog ministarstva, mandat članova, način izbora i razrješenja članova, nadležnosti, poslovi i zadaci, način rada i način finansiranja.

Također, navedenim Pravilnikom je utvrđeno da je Etički komitet stručno tijelo Ministarstva zdravstva Kantona Sarajevo koje prati pružanje i provođenje zdravstvene zaštite na teritoriji Kantona Sarajevo, na načelima etike i medicinske deontologije.


Shodno naprijed navedenom Ministrica zdravstva Kantona Sarajevo je imenovala predsjednika i članove Etičkog komiteta Ministarstva zdravstva Kantona Sarajevo, iz reda istaknutih stručnjaka koji imaju značajne rezultate u radu, kao i doprinos u oblasti zdravstvene zaštite, profesionalne etike zdravstvenih radnika i humanističkih nauka.

U skladu sa naprijed navedenim, odlučeno je kao u dispozitivu rješenja.



Dostaviti:

1. Predsjedniku, članovima i sekretaru Etičkog komiteta
2. Ministarstvu zdravstva Kantona Sarajevo
3. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104. Fax: + 387 (0) 33 562-243  
Sarajevo, Reisa Džemaludina Čauševića 1

